


600.

DVCIS NEOBVRGICI
ad Poloniae Sceptum aspirans
& a multis in què traducti
IVSTA DEFENSIO.

X

Mag. St. Dr.




905007

II

750 K 1562/15 (49)

I
tur,
certi
nem
rum
appe
tunt
rios,
breu
exul
prod
tant
pio
iurat
tent
alien
um h

sholic
lamqu
Quit
nosse
Rher
tame
quæd
ille,
libris
nunq
prom
simi
Eccle
nia P
tus pe
tus E



IN acri illo certamine, quod duos inter Serenissimos Duces, Neoburgicum ac Lotharingum, Coronæ Polonicæ, potentes Cādidos emerfit, multa à Partium studiosis scribuntur, dicunturque, quæ merito displicēt; atque illud imprimis, quod certi Æmuli, in quos illud scripturæ verū accidit: *Et non erat conueniens testimonium illorum*, Serenissimum Principem Neoburgicum rumoribus vanis accusationibusque parum æquis (sic modeste appello, etsi non de sint, qui calumnias vocitent:) obscurare nituntur, ut spe Regni deiciant. Hos ego errores (voluntarios, an inuoluntarios, non disputo) stylo simplici, sincero, breui, rectoque diluendos ac dissipandos esse censeo. Non enim exulcerare errantes animos, sed sanare meum est. Age ergo, prodi, quisquis iniquius de Optimo Principe sentis, & tu accusantis partes sustine, ego iustæ defensionis accingar. Principio tamen protestor, à me quidquid dicitur, incorruptis ac iuratis plurimorum & omni fide dignissimorum testium sententijs, si necesse sit, comprobatum iri, cum tu quæ dixeris, alienissima à vero sint, nec testem vllum grauem ac idoneum habeas, qui ea, quæ protuleris, iurare velit.

Obijcis primò. *Dux Neoburgicus Princeps est, non sat Catholicus. Cur? quia electus in Regem sancit Hereticis, & is Regnum Antiquæ Sarmaticam impleri patitur, qui ei Coronas & Sceptra iam precantur.* Quisquis ita loqueris, non nosti Serenissimum Ducem. Vis nosse Virum? audi: Philippus Wilhelmus Comes Palatinus Rheni est ille, qui olim Ducem A catholicum, ad singulare certamen in frequentissimis Imperij Comitibus prouocauit, quòd quædam acerbius contra Romanam Ecclesiam effurijisset: Est ille, qui matri pietissimæ Magdalensæ Bauaræ (cuius vita in libris quoque editis descripta existat) morituræ promissit, à se nunquam ductum iri in matrimonium A catholicam. Stetit promisso fides. atque hæc ipsa Elisabetha Amelia, altera Serenissimi Coniux, non antè thoro eius sociata est, quam Romanæ Ecclesiæ adiuncta fuerit: Est ille qui magnorum in Germania Principum conuersionem ardenti studio ad felicissimos exitus perduxit: ut multos taceam, vnus id Serenissimus Ernestus Hassiæ Landgrauis, si vis, scripto etiam testimonio con-

firmabit: Est ille, qui Religiosos varios, ac res veræ fidei defen-
sores impentè diligit; qui Patres Societ: IESV in quinque Duca-
tum suorum urbibus, à Serenissimo eius Parente **Wolffgango**
Wilhelmo piæ memoriæ collocatos, & Collegijs quinque au-
ctos fouet, nec satis habet beneficia IJS a Parente concessa,
occupata tueri, sed nouis quoque accumulatur: Est ille, qui
monasterium novum Patribus Franciscanis strictioris obserua-
tiæ, & Monialibus Sanctæ Matris Teresiæ in vrbe Neobur-
gensi a fundamentis excitauit: Est ille qui templa varia, mu-
nificentiam non tantum Principe, sed & Rege digna ornatu præ-
tiosissimo ac multis imperialium millibus sumptuoso ditauit:
Est ille, qui Serenissimis suis liberis nihil ita instillari iubet &
urget, quam Fidei Catholicæ studium: cuius sanè studij ardo-
risq; eximium specimen Serenissimi liberi, ab Illustrissimo Ei-
stettensi Principe ad conuiuium vocati nuper edidit, dum
eius principis aulicum sectâ Lutheranum rationibus non mo-
dò ingeniosis, sed supra quoq; ætatem maturis & solidis ad-
stuporem omnium exagitarunt, atq; vt Romanam fidem am-
plecteretur, gratiosè simul & fortiter impulerunt: Est ille, qui
prolixis quotidie precibus, quòdiano Missæ Sacrificio, qui
quot festis diebus concioni, qui omnibus IJS, quæ à religiosi-
simo Principe exigi possunt ita sedulo vacat, vt in veræ fi-
dei ac totius Religionis cultu à nullo modernorum Princi-
pum se vinci patiatur.

*Instas: At Coniux moderna Serenissimi qualis est? an non Lutherana
aut Calviniana heresi infecta? Minimè. Coniux Serenissimi moder-
na tam parum Lutherana est aut Calviniana, quam ego, qui
isthæc scribo: ipsa enim non modò anno huius sæculi quin-
quagesimo tertio Lutheri sectam adhuc tenera, maturè & sincere
eiurauit, sed interea temporis exactè maritum æmulata,
cum eodem officijs omnibus, quæ Matronam eximie piam &
Catholiam decent, pulcherrimo Aulae & ditionum subiecta-
rum exemplo concertauit. Quod si probro das olim Caluino
Luthero que adhæsisse, at eum modò velis remisque fugere,
tu n tu o certe iudicio permulti hodie Heroes & Heroinx da-
mnandi erunt: disparq; tu eris Angelis bonis, qui gaudent su-
per vno erpeccatore poenitentiam agente.*

*Opponis deinde: Neoburgicus Princeps sexagenarius est ac senio
fractu,*

Podagricus imò *Podagricus* & *æger*, nec par laboribus, quos in regnante suo bellio
cosa Polonia exigit. Pace tuâ dixerim: vana & ficta sunt hæc omnia.
Serenissimus ille, natus est Anno à Christo nato 1615. die 25.
Nouembr: Quo pacto igitur tu cum sexagenarium venditas,
qui non nisi Annos 53. habet? an iste senio fractus, cui in e-
questribus exercitijs nullus in tota Aula sua, etiam hodie dum
par est, & cuius post res serias ritè curatas, ludus solennis ac
propè quotidianus esse solet Ceruorum, aprorum, aliarum-
que ferarum, uti & ardearum etiam violenta exagitatio ac ve-
natus, Quid? ille podagricus, quem nulla vnquam afflixit
podagra? ille æger, qui non modo omnium, qui Principem
familiaritè cognouère, sed medicorum etiam timorata consci-
entia, & rei medicæ perquam peritorum calculo, complexi-
onis tam sanæ & robustæ etiã nunc est, ut multos in annos su-
perstes esse queat, ni Deus casu subito, qui etiã iuuenē sæpè inue-
nit, vitâ Principis minimè adhuc fatiscētē subruerit. Anilis igitur
metus est, eo electo, Rempublīcā mox denuò orbā fore. Vanitas
est, eum pro effæto senè traducere, quem nulla ad id locorum
senilia seu corporis, seu animi vitia tetigere.

Insurgis tertio Dux Neoburgicus cum Barbaris quoq; gentibus iis
fœdera, Cosaci Tartariq; Neoburgicis pecunijs corrupti in procinctu stant, ut per
fratrum ac Civium funera, feroci Candidato adiutum ad Sceptra & Coronas aperi-
ant Id nego, id pernego: id merissimam & malitiosissimam
esse assero calumniam, iupremumq; Numen testor, pientissimo
ac religiosissimo Principi nullum vel vllius literæ, taceo, pacti
commercium cum Barbaris vnquam fuisse. At fœdera habet cum
Christianis alijs & vicinis Principibus Habet, sine tamen vlllo Reipublīcæ
Polonæ detrimento, sine vlla eius iurium & Priuilegiorum sta-
tusq; patrij læsione. In fœderibus singulis, aut hæc, aut similia,
verba inserta esse tu noueris: *Expresse* profitentur, quod per hæc pacta
non intendam Scatui, & iuribus & imprimis libera Regis eligendi facultati sepè
dictæ Reipublīcæ & Magni Ducatus Lithuanis nullatenus vel in minimo
derogare vel præiudicare. At certis Principibus omnia promouit
vniuersas ex pacto iam debet, quas promisit. Quæro ex te: Quas Pro-
uincias? Polonas, inquis. Deum immortalem quanta hæc est,
mentiendi, & suspicandi licentia. Ego Deum testor, & is nouit,
quia non mentior, nec Sueco, nec Brandenburgico, nec vlli
externo Principi non terræ Polonicæ pedem, imò nec latum
vnguem a Serenissimo hoc Duce addictum esse, quid tu ad

Ista, quæ tamen verissima sunt? redarguis: *Saltim ex Ducatu Neoburgi, Lulia, montium, notabiles portiones sanctoribus suis cessit, donavitque.* Et in hoc magnopere erras, & quod asseris, à mortalium nullo probari poterit.

Quartus tuus impetus est: *Neoburgicus Dux pauper, quo singulari Republicam beare commode poterit? quæ opibus ditare?* Obsecro te his verbis parcitum velis, ne ista nationes exteræ audiant, arbitrenturq; à Polona Gente (quæ rectissima & gloriosissima semper audit) iam Sceptra & Coronas venum exponi, quæ olim maiores non per vinculatas auro, sed liberâ atq; omnino equâ Electione deferre solebant, ijs, quos Regno fuisset viribus & opibus sat potenti, bene administrando patres & idoneos esse sentiebant. Quodsi tamen cupidior, lucra & ditia commoda desideras, nec ista desunt. An non magnum Republicæ commodum est aurea pax, fecunda opum parens, ac secura conservatrix, quâ indubiè Polonia fructur & ab omni cum vicinis bello (si barbaros exceperis, hereditarios, quisquis demum Catholicus rexerit, Poloniæ hostes) imò & belli metu libera surget, & gloriosum caput in auras efferet, si illi Neoburgicus præsit, quem amant, quem commendat vicini Christiani Principes omnes Sed & audi, quam pauper sit: Dux ille Regni Candidatus, in annos singulos (taceo contributiones copiosissimas in Comitijis Statuum eidem assignari solitas) ex proventibus ordinarijs etiam modò plura centena imperialium millia percipit. Dux ille paratus est Republicæ præstare multa præclara. rogas quæ illa? quiesce paulisper: intelliges vbi qui missi sunt a Duce, ad Republicæ alloquium admissi fuerint. & caue dixeris: *pollicentur dives quilibet esse potest,* crede mihi nihil pollicebitur Princeps, nisi quod scit se servare & velle & posse. & quod Poloniæ semel dederit, nunquam repetet. At ego hic te paucis: Dux alter cui tu studes, unde habet sumptus illos profusiores qui eius causâ iam fiunt, quatuor illos milliones, quos Republicæ oblaturus dicitur? Sunt qui conijciant, nec vanè, dedisse maternos Carolum Seniores, Caroli iunioris patruum: quibus conditionibus? ut filius patruo non legitime natus tam diu Lotharingiam possideat, vsq; dum pecunia data restitueretur, unde restitueretur? non viden

den

deo f
O ob
iam
temp

mella
titud
mus
cund
lis Pr
tuum
citos
res in
volet
mod
duca
Gerr
necia
posu
teum
min
uen
te in
illi d
tent
affar
uas
futu
equ
Polo

illigat
quod
far p
men
gicu
& ce
nud

deo fieri posse, nisi ex Polonia redivisibus suo tempore id fiat.
O oblationem miseram, & donationem parum Regiam: Quod
iam Polonia datur ipsa reddet, & quod iam offertur, cum
tempus erit, auferetur iterum.

Obex quintus: *Tuo iudicio est copiosa Ducis Proles, Masculi octo, Femellæ tres, quæ plures forte succedent.* Cur criminatis liberorum multitudinem, quâ velut basi niti solent fundariq; regnatrices docunditatem improbas. *improbo, ais, quia ubi multi legum liberi, ubi al-
lis Provinciarum regimen, Episcopatum milibras, militie præfecturas, Palatinatum munia obtingere & concedi necesse est, negariq; bene meritis.* Næ tu sollicitus es, & turbaris erga plurima. Serenissimus Dux non plures in Regnum liberos inducet, nisi quot, & quos Respublica volet idq; pollicebitur iuratus. *unde ergo vivunt reliqui inde, unde modo dum in ætate tenera sunt, ex prouentibus paternorum ducarum dū adulti fuerint, ex beneficijs & officijs hæctenus in Germania procuratis & procurandis impofterum. Verum hæc beneficia imparta sunt, quæ Ducem alunt.* Bone vir, Decianus & Præpositura Coloniensis alere potuit Ducem Lotharingia Franciscum tot annis, poterit & Ducem Iuliam, qui res Germaniæ vel à limine salutarit, nonit, quot in ea Principes vni Ecclesiasticis prouentibus laute, & ita, vt Principes decet, vivant. Ad extremum te interrogo: quid si Candidatus alter vxorem ducat (quâ illi è Gallia Regina defunctæ ex Sorore neptem, plures potenter & cum magnis promissis offerunt, vt viri sagaciores affirmant) quanti sumptus faciendi erunt, à Republica in nouas Regis adhuc cœlibis nuptias, quibus ipsa omnino libera futura est, si Neoburgicum elegerit? tum quid si ex ea liberos æquè multos aut plures suscipiat, quis eos aliet? nonne vna Polonia?

Rem ora sexta, eaq; non minima: *Dux ille factioni Gallicæ est illigatus, & à Gallo ad Regnum promouetur; & quidni ergo Gallus sit: retor-
queo: quidni Cæsareanus sit, quem ad Coronam vnicè Cæsar per Legatum suum pro vno Neoburgico peroraturum cõmendat: tum considera, qui inter Polonos sunt, qui Neoburgicum maximè Regem velint: an non pleriq; tales, qui armis & consilijs Regina conatus aliquando represserunt? vrges denud: Ad quid ergo istæ exterorum Principum commendationes, si ipsi P.*

Pudet? dicam: Commendationes illæ Ducem Polonis non obtrudunt, sed offerunt, & eligendum non extorquent, sed iuadent. Liberrima interim manet Nobilitati Polonæ electio, & per eam ubi Regnum Dux acceperit, vni Polonorum benevolentia, quoad viuet, in acceptis totum referet.

Succedit denigratio Septima. *Neoburgicum abdicatorem Regis procurant.* id tu asseris, sed quæ probas? Sanè contra te pugnat illud, de quo certus sum ego: nempe à Serenissimo Principe filiam propriam in Coniugem Ioanni Casimiro viduo oblatam esse, vt ipse Rex manens ex ea Jagellonis Stemma tam Polonis amicum propagaret. *abdicato Rege dedit, inquis munera, vt ipse Rex fieret.* id credam tibi, ubi eos qui munera acceperint recensueris conuicerisq; tum si factum, quid peccati sit per dona velle assequi Coronam? aliud est Mithra & aliud Corona. & quid si tuo iudicio & ille Reipub. regendæ sit aptissimus, qui sparsit munera, quid facto opus?

Hic inter Sacrum saxumq; statur.

Vltima cæq; , vt putas, impressio valida est: *Neoburgico, quia Princeps Germania, aditus ad sceptrum Poloniae præclusus est.* Non credam apud te Germanum nasci; esse vitium originis, seu originale peccatum politicum, quò qui infectus sit, ad Regnum Poloniæ aspirare nequeat. Sanè, Suedra magnus inter Hispanos politicus Nationem Germanicam dignissimam asserit, cui credantur Imperia, cur non & Regna? Loquuntur multa iam sæcula Principes Germanorum familias per vniuersam penè Europam Regum avelut promptuarium extitisse. Nihil de Romani Imperij translatione, de Italiae Regno, Hierosolymitano, & Constantinopolitano nihil dicam. Magni illi Francorum Monarchæ Capueingij nonne se ex stirpe Saxonum Witikindea ferunt? dignatione pares Hispani, illi Pomæriorum orbis & catholici Christianismi propagatores, nonne in Austriacam ditionem singulari Europæ & reliqui orbis fato concesserunt? Angliæ Reges à Gulielmo conquæstore Normannorum Germanicæ gentis Principe descendunt. Daniâ & Noruegiâ superiore sæculo Holfatiæ Duces, Sueciâ nuper gloriosissimi Palatini non iuris necessitate sed spontaneâ gentium electione potiti sunt. Iam verò si tot præclarissimis nationibus regnisq; rectè moderari queant Germani, cur non & Poloniæ, si in eam vocentur, cum

cum qua si vlla orbis Prouincia, certè Germania in libero illo-
suauiq; populorum regimine maximè conspirat. quanta est fa-
cilitas Cæsaris imperantis inter Germanos. tanta, si non ma-
ior, est Principis regnantis inter Polonos. Id qui negat is pro-
fectò & solem in pleno meridie fulgere, negare auit. Sed ne-
q; id subsistit, quod dicitur *Germanus Polonos exosos esse*. cur enim
oderint? an non Austra Germaniæ pars nuper Poloniæ labo-
ranti, succurrit?

Atqui amicus certus in re incerta cernitur.

Quæ omnia cum ita sint, vti sunt, quis non videt Se-
renissimo huic Principi hodièdum Vladislai Regis iudicium
supremis tabulis Neoburgicum ad Sceptra commendantis sus-
fragari? etiam modernâ tempestate hic si esset, non aliter sen-
tiret nam Sororium suum inueniret viribus corporis non fra-
ctum, sed integrum, & animi dotibus auctiorem multò, quàm
erat, cum ipse viueret. Mirû enim quantum dotes illæ multâ re-
rum experienciâ, & assiduo virtutum exercitio creuere. Vos
igitur, vos appello noui Regis Nobilissimi numerosissimiq;
Electores, atq; vnicâ ratiotione rem totam expedit Eum
Polonia Regem nominet, qui Regno præ omnibus maximè
expedit, atqui talis ante omnes Dux Neoburgicus est quem
defendi, & quem compendio descriptum, ac quasi in tabua de-
pictum exhibeo. Hic Vir, hic est, quem clarissimi Palatinæ
Domus natales commendant, qui vel ipsa oris specie, Augu-
sta corporis præcitate, magna omnia pollicetur: hic zelosif-
simus est Fidei Romanæ Catholicæ propugnator; Dei amans
& metuens, si vllus, in Deiparam & Superos & olim in Scre-
nissimos Parentes, dum viuerent, obseruantissimus, & vel ex
hoc capite benedictione omni ac felicitate Regiâ dignissimus

Hic gloriosissimo in Principe exemplo, vitæ semper in-
nocux, & siue cœlebs, siue coniugatus, semper labis & omnis
notæ expert. hic ætate maturus; minimè tamen debilis sed
viribus corporis nec iuveni impar, adeoq; & Togæ & Sago
idoneus: hic excellæ mentis Heros Polono militi in omnia
ebellorum pericula & Comes & Dux iturus est. uti iuit olim,
cum ipsi a sene Parente exercitus commissus, quem in Ele-
ctorem Brandenburgicum duceret. Sunt qui meminerint tum à
lacrymante Parente tribunos cæteros, campiq; ductores rogatos
esse,

esse, seruantem Filium, nec ferent suo ipsum impetu in hostem ferris, alioqui pro
num & precipitem in maxima quaq; discrimina ruiturum. sunt quoq; qui
meminerint veteranos belli Duces, qui multa sub Serēis Lotharino
seniore stipendia fecerant, de Principe hoc testatos esse:
cum vnus Casrus & Miluem & Imperatorem euadere poss: eximius, tam al-
tam capacemq; mentem in Principe laudato obseruārant. Hic
longā regendi arte & multo publicorum negotiorum solertē
tractandorum vsu, iam clarus, regnatricem scientiam non est
quod in Polonia discat, cum eam alibi iam dudum exercuerit:
Hic rari ingenij & prudentiæ Princeps se ipsum, & viros sapi-
entissimos consulere suetus, non Coniugem, non foeminas
alias iudicijs cōsilijsuē suis immisceri passus est hactenus, nec porro
patietur; nouit muliebrem indolem esse eam, in qua iudici-
um debile, & affectus vehementiores plerumq; dominari so-
leant Hic mirē comis in omnes; in animis conciliandis potens;
in benemeritos munificus, a belli periculo obditiones hæredi-
tarias (queis nemo vicinus inhiat) remotus; inimicus nemi-
ni, nisi barbaris. Romano Casari dilectus; commendatus ab
omnibus: Hic genere, moribus & indole, non barbarus, sed
Germanus integer, libertatis dulcedini innutritus, nec vlli eam
inuidens, imò Polonus, cum Regum Polonorum Bis Nepos,
affinitate nimirum & sanguine (vti editæ Genealogiæ testantur)
& Poloniæ ipsi iam pridem amicitia & hospicio coniunctus sit:
Verbo: Hic est, quem non spes, sed res commendat.
Quid restat? Conclusio. tu eam fac Polone Nobilis,
ac dicitō.

Ergo Neoburgicus REX esto.

